



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Syntaxis Historiæ Evangelicæ

Cope, Alan

Lovanii, M.D.LXXII.

17. Christum à Iohanne demonstratum Discipuli quinque incipiunt agnoscere & sequi.

[urn:nbn:de:hbz:466:1-47925](https://nbn-resolving.org/urn:nbn:de:hbz:466:1-47925)

CAP. 17. Christum à Iohanne demonstratum Discipuli quinque incipiunt agnoscere & sequi. Iohan. Cap. 1. \* 16.

S. Matthæus

S. Marcus.

S. Lucas.

**A**ltera die iterum stabat Iohannes, & ex discipulis eius duo. Et respiciens Iesum ambulatē, dicit, Ecce Agnus Dei. Et audierunt eum duo discipuli loquentē, & secuti sunt Iesum. Cōuersus autē Iesus, & videns eos sequētes se, dicit eis, Quid quæritis? Qui dixerunt ei, Rabbi (quod dicitur interpretatum Magister) vbi habitas? Dicit eis, Venite & videte. Venerunt, & viderunt vbi maneret, & apud eum manserunt die illo: hora autē erat quasi decima. Erat autem Andreas frater Simōnis Petri vnus ex duobus qui audierant à Iohanne, & sequuti fuerāt eum. Inuenit hic primum fratrem suum Simōnem, & dicit ei, Inuenimus Messiam, quod est interpretatum Christus, & adduxit eum ad Iesum. Intuitus autē eum Iesus, dixit, Tu es Simon filius Iona: tu vocaberis Cephas, quod interpretatur Petrus. In crastinum voluit exire in Galileā: & inuenit Philippam, Et dicit ei Iesus, Sequere me. Erat autē Philippus à Bethsaida, ciuitate Andree & Petri. Inuenit Philippus Nathanael, & dicit ei, Quē scripsit Moyses in lege & Prophete, inuenimus Iesum filiū Ioseph, à Nazareth. Et dixit ei Nathanael, A Nazareth potest aliquid boni esse? Dicit ei Philippus, Veni, & vide. Vidit Iesus Nathanael venientem ad se, & dicit de eo, Ecce verè Israëlita, in quo dolus non est. Dicit ei Nathanael, Vnde me nosti? Respondit Iesus, & dixit ei, Prius quam te Philippus vocaret

S. Mattheus. S. Marcus.

S. Lucas.

S. Iohannes.

vocaret, cum esses sub ficu, vidi te. Respondit ei Nathanael, & ait, Rabbi, tu es filius Dei, tu es rex Israël. Respondit Iesus, & dixit ei, Quia dixi tibi, Vidi te sub ficu, credis: maius his videbis. Et dicit ei, Amen, amen dico vobis, videritis cælum apertum, & angelos Dei ascendentes & descendentes, supra Filium hominis. \* 18.

CAP. 18. Nuptia in Cana Galilæe, in quibus Christus aquam in vinum conuertit, quod initium fuit signorum ab eo editorum. Iohan. Cap. 2. \* 17.

S. Mattheus. S. Marcus.

S. Lucas.

**E**T die tertia nuptiæ factæ sunt in Cana Galilæe: & erat mater Iesu ibi. Vocatus est autem & Iesus & discipuli eius ad nuptias. Et deficiente vino, dicit mater Iesu ad eum, Vinum non habet. Et dicit ei Iesus, Quid mihi & tibi est mulier? nondum venit hora mea. Dicit mater eius ministris, Quodcumque dixerit vobis, facite. Erant autem ibi lapidee hydriæ sex positæ secundum purificationem Iudæorum, capiètes singulæ metretas binas vel ternas. Dicit eis Iesus, Implete hydrias aqua. Et impleuerunt eas usque ad summum. Et dicit eis Iesus, Haurite nunc, & ferte architriclino. Et tulerunt. Ut autem gustavit architriclinus, aquam vinum factam, & non sciebat unde esset, ministri autem sciebant qui hauserat aquam: vocat spiritum architriclinus, & dicit ei, Omnis homo primum bonum vinum ponit, et cum inebriati fuerint, tunc id quod deterius est. Tu autem seruasti bonum vinum usque adhuc. Hoc fecit initium signorum Iesus in Cana Galilæe, & manifestavit gloriam suam, & crediderunt in eum discipuli eius. \* 19

CAP. 19.